



武定府志  
(咸豐)  
八

武定府志卷之三十五

碑

大中大夫中山郡焦侯碑

元元明善

焦氏出姬姓春秋傳謂虞虢焦滑皆姬姓是也漢之時  
延壽其後也子孫散處齊梁間濟南之焦姓始此世為  
青城望族歷唐宋金顯宦不絕金之季有名之彥者登  
童子第優等授長山簿天興壬辰國兵日濟南焦氏族  
盡死譜亡不可考矣之彥子諱瑾即侯之父仲山伯也  
年十三得不死俘以北後五年而歸中統三年李璫叛  
分兵圍青城城且破中山伯縋城給賊曰城降矣將以

武定府志

卷三十五 藝文

碑

一

金帛牛酒獻請緩攻賊爲少却翼日官兵至賊敗走全城伯之力也伯娶劉氏生侯諱文炳性至孝母郡君劉氏病瘦七日不汗且死醫皆議去侯籲天以刃刺脅取肝一磅誦爲藥進甫入口大汗而甦而侯亦病矣時五月濟南多蠅啗膚動以千萬計而莫近所傷處疾後母且盲侯夜則稽顙北辰且則舐母目旬日復明鄉黨至今稱之侯之行如此至元丁亥六月侯卒年六十娶楊氏生子五長彬從仕郎昌邑縣尹次祥擢湖南道宣慰司令史生子名澍口口大都轉運鹽使司奏口侯之弟二子姪十有七女四孫男二十有二女孫十有二曾孫

男子有二女三元孫女三其侯之季子則知府公也名榮字榮卿年數歲卽有成人器經史子集無不貫穿尤工國書年二十五推擇爲中書譯史初尹武康邑以大治民感公德衆于佛前題曰清政侍郎焦佛子以祝公壽再尹如臯淮口萬戶府出獵爲民害者十五年公納勅陳論禁止之邊戍三百雜處民居爲擾公置處舍之歷袁州推官豪民艾九五者賊殺鄰境民命數人公廉得其實賊伏其辜論死者九人口口者四十有四人知太和州民苦役法不平公會議三歲後一日而定民悅後遂著爲焦知州役冊至今遵之造六牒以備蓄洩漑

藝文 碑

田數十萬畝捐祿廩穀百斛爲倡得義穀八萬有奇如  
宋文公義倉法民甚賴之平反賊盜寃獄活寃十一人  
未逮七十六人誣者胡氏抵其罪衆大悅提舉萬億綺  
原庫公眡官物如已有去之日如始至同知陝西轉運  
鹽使司事益官課便鹽商池鹽非假煎造公忠誠感神  
初西南風水自成鹽新池神廟以報之至大四年國朝  
建封贈之興始贈侯以中順大夫上騎都尉中山郡伯  
妻楊氏中山郡君而公授同知湖州路總管府事時甲  
有誅乙有盜鍋直而殺其兄者獄成公問德卷甲兄嘗  
爲盜乃知乙所殺盜鍋者也乙遂免死囚公行湖西就

勸義金穀值四十萬斛悉如太和法以備凶歲公之德  
政蓋不可以悉數姑聊舉其尤著者請老以大中大夫  
松江府致仕階三品娶王氏始封中山郡君加那夫人  
長子伯奇以父廕受從仕郎提嶺池州務泰定改元以  
侯初贈郡伯應進制加大中大夫輕騎都尉中山郡伯  
侯母劉氏贈中山郡君竊嘗謂侯舐目割肝之孝至中  
山盛德所致若知府公之光明先世澤流子孫皆侯之  
孝行所致也焦氏之盛將垂之無窮信乎天之報施善  
人可謂不誣矣俾子孫無忘先世積累之由庶幾他時  
傳述者亦有考云爾

藝文 碑

嘉慶大夫李公信淵神道碑

明王佐

夫生於代重明之季創業繼統必有忠良之臣以贊襄  
 左右扶頌持危不偶然也曩者宣宗皇帝即位改元之  
 初會聚安州漢庶謀逆劫眾從已而四川道監察御史  
 李公州人也以外艱家居語族人曰吾先世嘗以忠孝  
 為立身傳家之範今吾必不為叛逆所辱若等其善自  
 持吾計汝安乃屋夜馳京告變朝廷仗大義以討平之  
 改樂安州為武定州嘉公之忠陞左僉都御史階中順  
 大夫復賜襲衣絲緞擬蔭一子錦衣衛世襲正千戶  
 家人十二戶公竟辭焉實宣德丙午也正統元年今上

承大統簡賢任能勵精圖治時公丁內艱還適邊疆  
多故命廷臣舉有才智者往撫綏之僉以公爲宜遂召  
奪情往莅事公至集諸將士宣布朝廷恩威諭以防禦  
之道莫重于守修城池置長柵謹斥堠揀精銳士馬分  
布要害暇則躬督視屯田區畫措置如法由是邊儲充  
實甲兵堅利而瀚海以東悉甯罔有毒厲上聞嘉之進  
公左副都御史階嘉議大夫官一子入太學生仍勅公  
凡事所當行者並以便宜施行在邊八年以日疾乞休  
致還未幾卒于家訃聞上哀悼之遣官諭祭命有司營  
葬事公諱濬字伯淵自居庠時已爲輩流推服及升成

均擢侍御綽然有聲遭際聖明致位都憲小心慎密至誠無偽有大臣之體公生洪武辛酉三月十一日卒正統丙寅九月初一日享年六十有六卜葬祖塋之原曾祖諱福源祖諱鍾皆隱德弗耀考諱士賢贈中順大夫左僉都御史妣鄭氏封太恭人配戴氏繼室范氏俱封恭人子四人森戴所出也榮杲本范所出也榮在戶部司務孫男五人永昌永祺永年永康永甯孫女二人尙幼吁予與公生同郡仕同朝且有姻婭之好今公已矣公之墓碑非予誰宜銘銘曰於戲李公天賦美質下際聖明光奮于績親藩構隙公發其謀憲臺貳長公被

命公撫綏設奇運略有光其緒引疾而去  
而計在來士林嗟悼當宁興哀嗟嗟我公忠義烈烈其  
身雖死其名不滅刻銘堅石福壽無疆子子孫孫百世  
蕃昌

魏公去思碑

明 蕭 鳳

正德庚午夏御史魏公左遷利津丞時流賊起趙魏間  
其勢猖獗公知城守不可緩以城隍卑淺疎虞不足守  
乃集丁壯具畚插築高鑿深令民備戎器日夜防守衆  
皆竊笑以爲賊所過無堅城修此何爲雖聽命而實預  
擬徑竄以便奔竄公聞之不憚益巡督不少休夜坐常

達旦暑雨不張蓋如此者半月一日賊騎千餘至城河東無船不得渡衆以爲無虞公獨憂之會大風河水冰堅遂渡河而賊之在河西者亦且以其衆千餘繼至達旦公乃囑官吏會境內士大夫豪俊分地防守又密使助請大兵于近地慮居民米粟器物不徙反爲賊藉乃悉徙城中又以賊多虛聲恐喝陷城乃選輕騎數十使週馳城下通接聲問布置甫畢翌日賊果至營于西北郊去城二里許分其衆爲迭出之勢自晨至晡有發輒應賊計無所施始以其衆退尋大兵至殲滅無遺今歲春轉公魚臺令津人相謂曰津之生聚不至剗殘衣冠

無少污壞屹然爲渤海之一全城者誰之力與魏公之  
賜也公在則當祝以報之今公去矣其錄以志不朽可  
乎且使後之守茲土者知所法也相與伐石立之通衢  
以予曩官其學又實分中北門乃詳述其前後狀爲記  
以垂之公諱彥昭字德輝保定容城人由進士歷官侍  
御史以忤逆瑾至左遷今公論旣明行復還朝云

張侯德政碑

明  
于永清

侯以萬歷戊申來蒞吾青至庚戌調章邱計時甫二年  
而百姓戴若慈父去後思更切擬作去思碑余曰侯之  
見思政宜民也藉令宜民之政常存以慰若思乎僉曰

政以人存侯去矣安得侯之政常存耶余曰太史公作  
循良傳龔黃卓魯其人與政至今不朽數千年以爲吏  
則若以侯之政列欵勒石後之人畫一而守之石在政  
在政在侯在也可以慰若思乎僉曰猶未也侯之政便  
于良民不便于狡獪之民夫狡獪之民能以便爲不便  
以不便爲便吾儕小人不患後之蒞吾青者不與侯同  
政而患亂政者不盡無也子大夫爲桑梓慮其預一言  
訂之無惑狡獪之亂政者余因而歎民心無私好如吾  
青民豈私于侯思侯之善政以自庇且欲政傳諸人庇  
其子若孫也故碑不以去思名而以德政名侯諱廌吾

字以...心嚴丁未進士貴州籍江西金谿人天啟二  
年任甯前道

武定州刺史張公去思碑

明 王象春

武定去新邑相距二百里地連桑梓邈若河山足跡未  
嘗一涉其境聞舊設按察司臺憲官兵備茲地予邑實  
屬宇下此地瀕海連淄濰抵岱控幽燕接會通蓋山以  
東吭咽區哉有神機一營馬步兵共千數有奇設守戎  
官掌之時遇守戎員缺關西張公號圖南牧守此地代  
攝戎事未半載會有鄒滕之警嘯聚揭竿荼毒百姓焚  
蕩廬舍憊不畏明當事者星火徵兵羽書日數下卽戎

武定州志

卷三十五 藝文

碑

七

者苦之公周于體恤休戚相關不避嚴令惟日以都肄  
飭法律求爲此地桑土計卒之天心厭亂探丸剽竊之  
奸赭裙主名之輩辟易就擒一營卒無擾焉是公以牧  
守之任而當軍旅之責有專軍特將之所不能者矣人  
之感公德公蓋可知也遇詔陟南京戶部員外郎行之  
日士若宰相與泣下攀軼留大夫不得思爲磨堅以志  
不忘乃屬余爲記者如此余曰南國有召伯人愛甘棠  
東山有周公人留袞衣今之石亦聊以寄甘棠袞衣云  
天啟三年歲在癸亥孟夏吉日

國朝

歲貢張闡義行碑

李 培

僕自叨縣令以至今職靡弗延訪忠孝節義實跡而旌表以聞則義士亦闡風教而並重于世云顧義舉與豪舉不同豪舉者逐一切矜奮憑一往俠氣爲善也而兼以爲名厚人也而猶未忘責人世多有不足貴迺義士則捐已之有不愛其貴也賤人之急不矜其能也威人之美羞伐其德也彼蓋好行其義翩翩然有烈丈夫之概焉故晏大夫贖辜恤匱人高其致范希文義田贍族至今覽麥舟之跡而想見其爲人凜凜義風足厲千古晚近世